



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბაღდადური

ბაღდადური, გროტესკული ხასიათის ქართული ქალაქური ხალხური ცეკვა.

აღმოცენდა XIX ს. II ნახევარში ხალხ. საგაზაფხულო დღესასწაულზე – ყენობაზე. ბ-ს საფუძვლად დაედო ძველებური ქართ. გლეხური ცეკვა ბუქნა, ხტომითი მოძრაობები, პანტომიმის ელემენტები. სრულდება საშუალო ტემპით, ბაღდადით (ჭრელი ხელსახოცით) ხელში. ბ-ის ერთ-ერთი მნიშვნელოვანი თეატრალიზებული დადგმაა „ძველი თბილისის სურათები“ (ქორეოგრაფი ი. ბაგრატიონი).

ბ. გამოიყენა კომპოზიტორმა ვ. დოლიძემ ოპერაში „ქეთო და კოტე“. სრულდება დუდუკისა და არღნის თანხლებით. მუს. ზომა 6/8. იხ. აგრეთვე ყარაჩოხლური და კინტორი.

ლიტ.: გ ვ ა რ ა მ ა ძ ე ლ., ქართული ხალხური ქორეოგრაფია, თბ., 1957.

**ლ. გვარამაძე**

---